



Republika e Kosovës  
Republika Kosova - Republic of Kosova  
Qeveria - Vlada - Government  
Ministria e Drejtësisë - Ministarstvo Pravde - Ministry of Justice  
Departamenti për Profesione të Lira - Departmant Slobodnih Profesija - Department of Freelance  
Professions

Komisioni Disiplinor/Disiplinska Komisija/The Disciplinary Comitee

DPL.nr.21/2023

KOMISIONI DISIPLINOR PËR PËRMBARUESIT PRIVAT, në përbërje nga Manushë Karaçi kryesuese, Adnan Konushevcu dhe Rushit Hoxha, anëtarë të komisionit disiplinor për përmbaruesit privat, në çështjen disiplinore ndaj përmbaruesit privat , si organ përmbarues, i emëruar nga Ministria e Drejtësisë e Republikës së Kosovës për Territorin e Gjykatës Themelore në lidhur me veprimet përmbarimore të lëndët përmbarimore, P.nr.56/2023 deri të P.nr.104/2023, pas mbajtjes së seancës dëgjimore publike, në të cilën ka prezantuar përfaqësuesja e Ministrisë së Drejtësisë - Departamenti për Profesione të Lira - Divizioni për Noterinë dhe Përmbarimin Privat Burbuqe Spahiu - Kërveshi, Përmbaruesi Privat, dhe në mungesë të Albulena Uka, nga Divizioni për Mbikëqyrjen e Ligjshmërisë së Punës për Profesione të Lira, me datën 21.11.2023, mori këtë:

## V E N D I M

I. REFUZOHET Raporti përfundimtar i Ministrisë së Drejtësisë - Departamenti për Profesione të Lira - Divizioni për Noterinë dhe Përmbarimin Privat, DPL-21/2023 i datës 30.08.2023, lidhur me iniciimin e procedurës disiplinore ndaj përmbaruesit privat si organ përmbarues, i emëruar nga Ministria e Drejtësisë e Republikës së Kosovës për Territorin e Gjykatës Themelore në si i pa bazuar.

II. Përmbaruesi Privat si organ përmbarues, nuk është përgjegjës për shkelje të pretenduara disiplinore gjatë veprimeve të ndërmarra të lëndët përmbarimore nga P.nr.56/2023 deri të P.nr.104/2023.

## A r s y e t i m

### *Pretendimet e inicuesit të Procedurës disiplinore.*

Departamenti për Profesione të Lira – Divizioni për Noteri dhe Përmbarim Privat, me datë 30.08.2023, si inicues i kësaj procedure disiplinore ka bërë inspektimin e veçantë sa i përket punës së Përmbaruesit Privat, nr.06/2023 me datën 23.08.2023.

Udhëheqësja e Divizionit për Mbikëqyrjen e Ligjshmërisë së Punës për Profesione të Lira Albulena Uka, pretendon se përmbauesi privat me rastin e ndërmarrjes së veprimeve përmbaimore nga rasti P.nr.56/2023 deri te rasti, P nr.104/2023, e ka lejuar përmbaimitin në bazë të dokumenteve – vendimeve që kanë të bëjnë me realizimin e të ardhurave nga marrëdhënia e punës – vendime këto të lëshuara nga Kuvendi komunal : e që nuk është kompetencë e përmbauesit privat që të bëjnë ekzekutimin e rasteve që kanë të bëjnë me kontestet e punës, pasi që kjo është në kompetencë të gjykatës. Në këtë rast inicuesja e procedurës pretendon se përmbauesi lëndor ka rënë në kundërshtim me Udhëzuesin e Gjykatës Supreme të Kosovës, me të cilin është e definuar në mënyrë specifike se kontestet nga marrëdhënia e punës janë në kompetencë të gjykatës. Mbi këtë bazë inicuesja e procedurës ka kërkuar nga komisioni që përmbauesit privat ti shqiptohet masa disiplinore në proporcion me shkeljen e që do të vlerësohet nga komisioni.

#### ***Prezantimet e Përmbauesit Privat, palë në këtë procedurë.***

Përmbauesi Privat, si në përgjigje me rastin e inicimit të procedurës disiplinore, ashtu edhe në seancë dëgjimore dhe në fjalën përfundimtare të tij, e ka kundërshtuar në tërësi raportin për inicimin e procedurës disiplinore, duke potencuar se ligjshmërinë e urdhërave përmbaimitor dhe kompetencën e organit përmbaues e trajton gjykata me mjete juridike, që në këtë rast është prapësimi. Palë debitorë në këtë rast ka qenë Komuna e dhe e njëjta është njoftuar në mënyrë të rregullt për secilin urdhër përmbaimitor të lejuar nga përmbauesi privat lëndor, mirëpo për asnjë rast Komuna e si palë debitorë në procedurë, nuk ka ushtruar prapësim në gjykatën kompetente. Nga arësyet e dhëna, përmbauesi privat ka kërkuar nga komisioni që të refuzohet si e pabazuar kërkesa e inicueses së procedurës disiplinore.

#### ***Baza ligjore që një përmbaues privat mund të bëjë shkelje disiplinore***

Neni 367 paragrafi 1 pikat nga 1 deri 11, i Ligjit të Procedurës Përmbaimitor, i përcakton shkeljet përmbaimitor për përmbauesit privat, si janë në vijim:

- 1.1. Nëse përmbauesi privat tejkalon autorizimet e besuara me këtë ligj;
- 1.2. Nëse gjatë kryerjes së veprimeve në kuadër të aktivitetit të tij përmbauesi privat nuk i përmbahet ligjit;
- 1.3. Nëse përmbauesi privat gjatë procesit të emërimit nuk ka zbuluar në mënyrë të qëllimshme pengesat ligjore të cilat janë kusht i emërimit të tij;
- 1.4. Nëse përmbauesi privat ka shkelur detyrat e parashikuara me këtë ligj duke rrezikuar besimin në paanshmërinë e tij dhe në veprimet të cilat ai i ndërmerr;
- 1.5. Nëse përmbauesi privat ndërmerr veprime në procedurë pavarësisht arsyeve për përjashtim;

- 1.6. Nëse përmbartuesi privat shkel detyrën e mbajtjes së sekretit zyrtar;
- 1.7. Nëse përmbartuesi privat kërkon kompensim më të lartë se sa ai i paraparë në tarifë;
- 1.8. Nëse përmbartuesi privat pa shkaqe të arsyeshme refuzon aftësimin profesional;
- 1.9. Nëse përmbartuesi privat nuk mban evidencat për lëndët e përmbartimit në të cilat ai punon apo evidencat e lëndëve në të cilat ai/ajo punon nuk janë në rregull;
- 1.10. Shkelja e detyrave të përcaktuara me dispozitat tjera dhe
- 1.11. Nëse përmbartuesi privat në pajtim me aktin e odës nuk e paguan anëtarësinë.

#### *Vlerësimi përfundimtar i Komisionit Disiplinor për Përmbartues Privat*

Pas seancës dëgjimore dhe analizimit të dispozitës së lart cituar, Komisioni Disiplinor, me kujdes dhe vëmendje ka vlerësuar të gjitha pretendimet e palëve dhe ka çmuar çdo provë të administruar në seancën dëgjimore veç e veç dhe të gjitha ato së bashku, ashtu që pas analizimit, vlerësimit dhe peshimit të tyre, erdhi në përfundim se Përmbartuesi Privat, nuk është përgjegjës për shkelje disiplinore, për këto arsye:

Në mes palëve në procedurë si dhe për komisionin disiplinor nuk është kontestuese se Departamenti për Profesione të Lira – Divizioni për Noteri dhe Përmbartim Privat, për Mbikëqyrjen e Ligjshmërisë së Punës për Profesione të Lira, për Përmbartuesit Privat nga Ministria e Drejtësisë, ka bërë inspektimin të veçantë të punës tek përmbartuesi lëndor pas pranimi të parashtresës së Drejtorit të Thesarit të Republikës së Kosovës, me datën e paraqitur në raport, për këtë çështje juridike. Nuk është kontestuese se përmbartuesi privat e ka lejuar përmbartimin në bazë të dokumentit përmbartues – vendimit përmbartues të dhënë në procedurë administrative nga Komuna e Istogut.

Kontestuese mbetet në këtë rast, se a kemi të bëjmë me shkelje disiplinore, pasi që përmbartuesi privat nuk iu ka përmbajtur kompetencës lëndore sipas Udhëzuesit të Gjykatës Supreme, të vitit 2021, në rastet e përmbartimit ku kemi të bëjmë me konteste të punës.

Komisioni Disiplinor vlerëson se në rastin konkret, pas analizimit të dispozitës së lartcekur ligjore, ndarjen e çështjeve jo kontestuese dhe atyre kontestuese si më lart, vjen kemi të bëjmë ekskluzivisht me vlerësimin e kompetencës lëndore të lejimit të përmbartimit nga përmbartuesit privat lëndor. Andaj, në këtë rast nuk është në kompetencën e komisionit disiplinor, që të vlerësoi kompetencën lëndore të përmbartuesit privat, sepse siç dihet dhe siç është e përcaktuar me Ligjin e Procedurës Përmbartimore, ligjshmëria e lejimit të përmbartimit të përmbartuesit, i nënshtrohet ligjshmërisë sipas prapësimi në gjykatë, siç përcaktohet me nenin 71, paragrafi 1, nën paragrafi 12 i LPP-së. Komisioni në këtë procedurë ka vlerësuar çështjen vetëm të kërkesës për çështje disiplinore, që për komisionin, përmbartuesi nuk është përgjegjës, ngase nuk është lëshuar në

ekzaminimin e kërkesës së inicuesit të kësaj procedure, pasi që rasti ka të bëjë me shkeljen eventuale të kompetencës lëndore, e që nuk është në juridiksion të këtij komisioni që ta vlerëson ligjshmërinë e vendimit të përmbaruesit, ashtu siç u vlerësua më lart.

Mbi bazën e të dhënave si më lartë, Komisioni vendosi si në dispozitiv të këtij vendimi.

**KOMISIONI DISIPLINOR PËR PËRMBARUESIT PRIVAT**  
**DPL.nr.21/2023 datë 21.11.2023**

Kryesuesja e Komisionit Disiplinor  
Manushe Karaçi

*M. Karaçi*

***KËSHILLË JURIDIKE:*** Kundër këtij vendimi pala e pakënaqur ka të drejtë të hap konflikt administrativ bazuar në nenin 374 par. 5 të LPP-së.